

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Promptvarii exequialis pars ...**

Continens centurias II. dispositionum, quibus themata funebria sive  
scripturae dicta varia ...

**Bidembach, Felix**

**Francofurti, 1625**

Thema XXIV.

[urn:nbn:de:bsz:31-130978](https://nbn-resolving.org/urn:nbn:de:bsz:31-130978)

vt illam mortem non sint visuri, gultaturi aut senturi. Sicut promisit Joh. 8. v. 51. Qui sermonem meum serua-  
bit, mortem non videbit.

Huc pertinent illa Hofe. 13. v. 14 I. Corint. 15. v. 54. Sic certe Abrahamus & cæteri pii, non viderunt mortem. Sicut & Christus negat illos esse mortuos, sed Deo viuere ait, quæ vera vita est, Luc. 20. v. 38.

Et Moses certe qui videbatur mortuus & sepultus, vi-  
sus est viuus, Matth. 17. v. 3.

Mors vero corporalis tam non nocet, vt sit potius transitus & promotio ad vitam æternam, Joh. 5. v. 24. Id-  
co nec mortis nomine amplius ipsam vult vocare Chri-  
stus, sed somnum dicit, Joh. 11. v. 11. Dormit Lazarus. 56.  
in fine. & Apocal. 14. vers. 13. Quiescant. Quis ergo horret  
at mortem, nisi incredulus?

F I N I S.

T H E M A XXIV.

Ioh. 11. v. 34.

*Clamauit voce magna, Lazare, veni foras. Et venit de-  
functus ligatus, &c.*

D I S P O S I T I O.

Inter omnia miracula, quæ fecit Christus in forma  
serui, maximum hoc est, etiam Magno illo Augustino  
consentiente [de verbo Domini] quod pauculis his ver-  
bis describitur: Videt. Lazari quadriuidani fortentis resusci-  
tatio. Sicut etiam vix vllum miraculum accuratiori dili-  
gentia ab Euangelistis annotatum legitur. Ne minimam  
enim circumstantiam Joannes videtur omisisse. Sanauit  
leprosos. Christus, cæcis aperuit oculos, mortuos in le-  
ctulo & fœtero iacentes, & recentes adhuc excitauit.

Lazarus autem iam intra cauatam saxum quatuor die-  
bus iacebat, iam fluescentium membrorum tererrimus  
fœtor prohibebat accessum, iam in concavis obibus ta-  
bi.

bido situ marcescentes resederant oculi, iam deficiebat narium mollicudo, iam rictus oris dentibus nudatis horrebat, iam nudata cute, laxa temporibus cerebri sedes tegimine attenuato pallefcens, capillis subinde rarefcntibus apparebat, iam sorores etiam fratrem excitari non posse credebant.

Maius itaque hoc (paucis his verbis comprehensum) est miraculum quam sunt cætera.

Nos itaq; primum vocem Christi clamantem audiamus: deinde Lazarum è sepulchro egredientem videamus.

I. PARS.

Ad monumentum Lazari, quod concameratum & magno lapide clausum erat, deductus Christus, Lazarum prouocat tanquam dormientem.

Primum autem voce magna clamat, ne murmurās aut submissa voce ipsum euocans, putaretur magicis vti incantationibus. Sicut ipsum hoc nomine calumniabatur Iudæi, quod opera diaboli faciat miracula, Luc. II. V. 15.

Deinde confidenter & alta voce clamat, vt videant omnes præsentés, ipsum morti imperare, vt defunctum reddat.

Tertio Lazarum illum quatruiduanum nomine tenus euocat, ne omnes mortui simul cogantur exire, vt ait Augustinus. Tanta enim vis est vocis Christi.

Quod si totus mundus coniunctis viribus sic clamasset, Lazare exi foras, non potuisset ille audire, nec illi mortuum producere.

At vocem Christi mortuus audit, non dilatio vlla retinet resurgentem, non tardant reditus animæ, non vincula sepulchri.

Inuolutus linteis nodisque irretitus, voce Christi citius egreditur. Surgit, ambulat, currit.

Et hoc ipsum miraculo non carere putat Augustinus quod vincetus ligatusque ex sepulchro prodit, & expedite graditur.

Locvs I. Patet omnipotentia Christi saluatoris. suo tempore excitaturi omnes mortuos. Et hoc est certissimum documentum illius, quod Joan. 5. vers. 28. dixit. Voce filii hominis excitandos mortuos. Si enim hoc potuit in forma serui: si hoc potuit balatus Agni mox ducendi ad mortem: quid poterit rugitus Leonis de tribu Juda, Apoc. 5. vers. 5. sedentis in dextera Dei, regnantis in gloria; quando venerit cum *iubilatione*, 1. Theff. 4. v. 26.

Ideoque nemo Christianus de resurrectione mortuorum dubitabit, nisi qui Christum Omnipotentem contra id Matth. 28. v. 18. negauerit.

Is perceptor præcessit, Mich. 2. vers. 13. Nos sequemur caput. Et si non aliud haberemus testimonium de resurrectione mortuorum, posset hoc sufficere. Confirmatur ergo sic articulus ille symboli XI. & omnis illa scriptura de Christo, Ose. 13. v. 14. Esa. 25. v. 7. & 26. v. 16. Et Hiob. 19. v. 25. Ezech. 37. v. 12.

II. Lazarum iam rediuuium considerantes, optamus idem de nobis, aut de nostris fieri, quos charos habemus & viuere optamus. At nihil habet priuilegii hic Lazarus, præ illo mendico, non excitato. Imo alter ille felicior. Quia hic denuo cogitur moti. Ergo non optemus illud contingere, vel nobis vel nostris.

Alioquin bis moriendum. Contenti simus, quod resurgemus in nouissimo die, nunquam morituri. Referunt nonnulli Lazarum resuscitatum nunquam post risse, & prædicasse Euangelium Massilæ, & decollatum fuisse sub Decio, An. Christi 84. 17 Decembris. Multa itaque post passus est mala. Et sic nos illo feliciores, qui semel morti debitum soluimus.

III. Resurgamus autem in hac vita ad vocem Christi, quam audimus ex verbo prædicato, à peccatis scilicet ad iustitiam. De qua resurrectione Christus loquitur Joan. 5. vers. 25. antequam de vniuersali illa resurrectione post hanc vitam verba fecit.

Hæc enim prior esse debet, sic altera lata nobis fuerit.

II. Pars.

## II. PARS.

Videamus autem, quæso, Lazarum è mortuis redeuntem. Spectaculum sane mirabile. Sic enim Joannes. Prodiit ligatis manibus & pedibus, obuolurus sudario. Ligatum solui iubet, vt agnoscant nullas hic esse præstigias.

Fuit autem hic Lazarus vir admodum diues & honoratus. At quid habet secum ex hoc mundo exiens, fascias sepulchrales, sudarium? &c.

L. Hic asta, ô Christiane, & Lazarum proceduntem aspice cum omnibus suis bonis, quæ in sepulchrum secum intulit. Cogita quas opes efferamus. Vide verum illud, 1. Tim. 6. v. 7. Nihil efferemus. Idem, Eccl. 5. v. 14. Psal. 49. v. 18.

Nota est Historia de Camisia Saladini Regis Asiæ, supra sæpe recitata. En pannus heu nigrum, nil nisi morte tuli.

Simus igitur contenti paucis, 1. Tim. 6. v. 8. Syr. 29. v. 28. Non tantopere appetamus diuitias relinquendas incertis hæredibus. Eccl. 2. v. 18. Forfan nudi egrediemur, & non dabitur sudarium aut pannus. Mirabiles enim sunt casus humani. Hoc vero agamus, ne nudi repariamur, 2. Cor. 5. v. 3. sed induti iustitia Christi Gal. 3. v. 27. Veste nuptiali, Matth. 22.

F I N I S.

## THEMA XXV.

Ioan. 12. vers. 24. 25. &amp; 26.

Amen, Amen dico vobis, nisi granum, &amp;c.

Qui amat animam, &amp;c. Si quis ministrat, &amp;c.

## DISPOSITIO.

Semper dissuadebant Apostoli Christo, ne sese fisteret Hierosolymis, ne se in periculum mortis præsentissimum coniceret. Sic se & suis rebus, & saluti Christi optime consulere opinabantur: nec intelligebant, genus

Hk 4

huma.